



Adresa: **Ul. Hamdije Čemerlića 39a**
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-559-3/22**
Datum: **28.10.2022. godine**

«Agencija za vodno područje rijeke Save» Sarajevo rješavajući po zahtjevu podnesenom od strane ZU Kantonalna bolnica „Dr. Irfan Ljubijankić“ Bihać, za izdavanje prethodne vodne saglasnosti za upotrebu sterilizatora u kojima se izvodi aktivnost tretiranja čvrstog infektivnog medicinskog otpada procesom sterilizacije i nakon tretmana mljevenja istog za odvoz na gradsku deponiju otpada, te ispuštanja otpadnih voda sa lokaliteta objekta za tretman navedenog otpada koji se nalazi u krugu bolnice, na osnovu člana 110. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev ZU Kantonalna bolnica „Dr. Irfan Ljubijankić“ Bihać, grad Bihać; za izdavanje prethodne vodne saglasnosti za upotrebu sterilizatora u kojima se izvodi aktivnost tretiranja čvrstog infektivnog medicinskog otpada procesom sterilizacije i nakon tretmana mljevenja istog za odvoz na gradsku deponiju otpada, te ispuštanja otpadnih voda sa lokaliteta objekta za tretman navedenog otpada koji se nalazi u krugu bolnice, na zemljištu označenom kao k.č. broj: 7696/1 K.O. Bihać-grad, s obzirom da za predmetnu aktivnost, a u skladu s odredbama člana 110. stav (3) Zakona o vodama, nije propisana obaveza pribavljanja vodnih akata.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovaj Zaključak može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Ovoj Agenciji je, dana 14.10.2022. godine, od strane ZU Kantonalna bolnica „Dr. Irfan Ljubijankić“ Bihać, grad Bihać upućen je zahtjev za izdavanje prethodne vodne saglasnosti za upotrebu sterilizatora u kojima se izvodi aktivnost tretiranja čvrstog infektivnog medicinskog otpada procesom sterilizacije i nakon tretmana mljevenja istog za odvoz na gradsku deponiju otpada, te ispuštanja otpadnih voda sa lokaliteta objekta za tretman navedenog otpada koji se nalazi u krugu bolnice, na zemljištu označenom kao k.č. broj: 7696/1 K.O. Bihać-grad.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra – ovjerena kopija, matični broj upisa 2-56 izdat od strane Općinskog suda u Bihaću dana 04.08.2022. godine.
- Ovjerena kopija katastarskog plana, K.O. Bihać - grad, broj plana 45, UR broj: 03/3-26-2-545/2022-1 izdatog 09.08.2022. godine od strane Službe za urbanističko planiranje, građenje, imovinsko-pravne i geodetske poslove, Odsjeka za geodetsko-katastarske poslove grada Bihaća.
- Ovjerena kopija Zemljišnoknjižnog izvadka broj: 017-0-RZ-22-001 070, K.O. Bihać-grad, ZK uložak broj: 10252 izdatog 03.08.2022. godine od strane Zemljišnoknjižnog ureda Općinskog suda u Bihaću.
- Ovjerena kopija Izvoda iz prostorno planske dokumentacije, broj: 03/1-19-1-4761/22 izdato 29.08.2022.godine od strane Službe za urbanističko planiranje, građenje, imovinsko-pravne i geodetske poslove Grada Bihaća.

- Kopija Rješenja JP „Vodovod“ doo Bihać za privremeno priključenje na sistem javne kanalizacije i ispuštanje tehnoloških otpadnih voda u sistem javne kanalizacije grada Bihaća, broj 01-2950/22 od 06.10.2022. godine.
- Kopija Ugovora o pružanju i korištenju komunalnih usluga prikupljanja, odvoza i deponovanja smeća od strane JKP „Komrad“ doo Bihać, broj 2474/22 FB potpisan 21.09.2022. godine a zaprimljen u ZU Kantonalna bolnica „Dr. Irfan Ljubijankić“ pod brojem 02-33-7977/22 i potpisan dana 22.09.2022. godine.
- Kopija uplatnice upravne pristojbe od strane podnosioca zahtjeva.

Dana 20.10.2022. godine izvršen je uviđaj na licu mjesta i sastavljen zapisnik broj: UP-1/211-40-559-2/22 te sačinjena foto dokumentacija o navodima u zapisniku i ovom zaključku, te čini sastavni dio ovo predmeta u spisu.

Na osnovu dostavljene dokumentacije i uviđaja na licu mjesta utvrđeno je sljedeće:

U krugu ZU Kantonalna bolnica „Dr. Irfan Ljubijankić“ Bihać, na zemljištu označenom kao k.č. broj: 7696/1 K.O. Bihać-grad, postavljen je objekat u kojem se zbrinjava sav čvrsti otpad nastao poslovanjem bolnice. Unutar objekta se vrši sterilizacija čvrstog infektivnog medicinskog otpada te usitnjavanje mljevenjem nakon sterilizacije i u konačnici odvoz na gradsku deponiju otpada po sklopljenom ugovoru sa komunalnim poduzećem.

Predmetni lokalitet se ne nalazi u vodnom dobru niti u poplavnom području vodotoka I kategorije.

Snabdijevanje vodom za sanitarne, tehnološke potrebe i hidrantsku mrežu obezbijedeno je priključkom na vodovodni sistem grada Bihaća.

Sanitarno-fekalne kao i tehnološke otpadne vode iz objekata bolnice prikupljaju se i odvođe cjevnim sistemom priključenim na kolektor gradske kanalizacije po rješenju o priključku na isti. Operator kanalizacionog sistema JP Vodovod doo Bihać, odnosno Grad Bihać posjeduje Rješenje o vodnoj dozvoli broj: UP-I/25-3-40-034-6/17 za ispuštanje otpadnih voda u površinske vode izdato dana 28.02.2017. godine od strane ove Agencije u kojem su utvrđeni uslovi pod kojima se isto izdalo, a koje je operator dužan ispunjavati u toku važenja Rješenja. Iz razloga naprijed navedenih, a u skladu s članom 110. stav (3) Zakona o vodama («Službene novine Federacije BiH», broj 70/06) i članom 218. stav (2) Zakona o upravnom postupku («Službene novine Federacije BiH», broj 2/98 i 48/99) riješeno je kao u dispozitivu Zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl.inž.

Po ovlaštenju
Rukovodilac sektora za izdavanje
vodnih akata


Haris Ališehović, dipl.ing.građ.

Dostaviti:

- ZU Kantonalna bolnica „Dr. Irfan Ljubijankić“ Bihać
ul. Darivalaca krvi br.67, 77000 Bihać
- AVP, ISV – Vodna knjiga
- Sektor 40, arhiva
- Oglasna ploča, AVP Sava